

Awyrluniau

DARGANFOD AWYRLUNIAU O GYMRU



Yr hen fâc awyr gwag i'r dwyrain o Dyddewi, Sir Benfro. NPPRN 308386 DI2006_0525

CBHC



RCAHMW

Comisiwn Brenhinol
Henebion Cymru

Royal Commission on the Ancient
and Historical Monuments of Wales



Noddir gan
Lywodraeth Cymru
Sponsored by
Welsh Government



Awryluniau

Mae archif y Comisiwn Brenhinol, Cofnod Henebion Cenedlaethol Cymru, yn gartref i gasgliadau helaeth o awryluniau o Gymru sy'n amrywio o ran dyddiad o 1918 hyd heddiw. Yn eu plith mae delweddau fertigol wedi'u tynnu o uchder mawr, yn ogystal â ffotograffau arosgo lefel-isel sy'n dangos tirweddau a threfweddau Cymru yn syfrdanol o fanwl.

Casgliadau

- Casgliad Aerofilms – ffotograffau arosgo lefel-isel a dynnwyd rhwng 1919 a 2006. Mae'r lluniau a dynnwyd rhwng 1919 a 1953 wedi'u digido a gallwch eu gweld drwy fynd i *Coflein*, ein cronfa ddata a chatalog ar-lein, neu wefan *Prydain oddi Fry*.
- Casgliad Fertigol y Llu Awyr Brenhinol – cafodd y lluniau, sy'n dyddio o 1940 hyd 1965, eu tynnu ar wahanol uchderau gan ddefnyddio awyrennau rhagchwilio ffotograffig pwrpasol.



- Casgliad Arosgo Lefel-isel y Llu Awyr Brenhinol – awyrluniau o arfordir Cymru ac ychydig o aneddiadau trefol a dynnwyd rhwng 1940 a 1965.
- Casgliad Medmenham y Llu Awyr Brenhinol – awyrluniau fertigol ac arosgo o Gymru a dynnwyd yn ystod yr Ail Ryfel Byd.
- Casgliad Awyrluniau Prifysgol Caergrawnt (CUCAP) – awyrluniau a dynnwyd ar lefel isel, ar ddiwedd y 1950au a dechrau'r 1960au, i gofnodi nodweddion archaeolegol yn y dirwedd.
- Casgliad Fertigol yr Arolwg Ordnans – cafodd ei lunio fel rhan o raglen fapio'r DU ac mae'n dyddio o 1962 hyd at 2009.
- Casgliad Arosgo Lefel-isel y Comisiwn Brenhinol – lluniau a dynnwyd gan ein ffotograffwyr awyr ein hunain rhwng 1986 a'r presennol er mwyn cofnodi archaeoleg Cymru a'r newidiadau yn ei thirweddau. Maent hwy'n cynnwys sleidiau lliw 35mm, printiau du a gwyn, a lluniau digidol. Bu'r casgliad hwn yn llwyr ddigidol ers 2004 a gallwch ei weld ar *Coflein*.



Llun fertigol yr Arolwg Ordnans o Winsh-Wen, Abertawe, 1999, yn dangos datblygiad tai. DI2014_0155

Defnydd

Yn ogystal â chynnig cipolwg diddorol ar batrymau tirwedd ar wahanol adegau yn y gorffennol, gall awyrluniau gael eu defnyddio at amrywiaeth o ddibenion, gan gynnwys ymchwiliadau archaeolegol, darganfod ffiniau, materion hawl tramwy/cynllunio, defnydd tir, morffoleg tirweddau, datblygiad trefol ac ati.

Drwy ddefnyddio gwyliwr stereosgopig, gall dau awyrlun hanesyddol cyfagos gael eu hastudio mewn beth sy'n edrych fel 3D.

Gwasanaethau

- Gwasanaeth ymholiadau am ddim i'r cyhoedd
- Gwasanaeth chwilio blaenoriaethol
- Digido
- Llyfrgell ac ystafell chwilio
- Llyfrgell ddelweddau
- Setiau data a mapio digidol
- Ymweliadau gan grwpiau
- Adnoddau addysgol



Mae croeso i chi weld y casgliadau ar *Coflein*, ein cronfa ddata a chatalog archifol ar-lein – www.coflein.gov.uk, neu yn ein llyfrgell ac ystafell chwilio sydd ar agor: Dydd Llun, Dydd Mawrth, Dydd Iau a Dydd Gwener 9:30 – 16:00, Dydd Mercher 10:30 – 16:30.

Os ydych am weld yr amrywiaeth lawn o awryluniau sydd ar gael, fe'ch cynghorir i wneud apwyntiad.

CBHC



RCAHMW

Llyfrgell a Gwasanaeth Ymholiadau CHCC

CBHC

Ffordd Penglais

Aberystwyth

Ceredigion, SY23 3BU

Ffôn: +44 (0)1970 621200

E-bost: chc.cymru@cbhc.gov.uk

Gwefan: www.cbhc.gov.uk

Prydain oddi Fry: www.britainfromabove.org.uk/cy

Ein cofnod o safleoedd a chatalog ar-lein:

Coflein: www.coflein.gov.uk